



09/3-21-16- 2454-7-1/22
Sarajevo, 20.04.2022.godine

MINISTARSTVO FINANCIJA I TREZORA
BOSNE I HERCEGOVINE
Trg BiH 1
SARAJEVO

Predmet: Dopuna Godišnjeg izvješća o izvršenju proračuna Ministarstva vanjskih poslova BiH za period 01.01.- 31.12.2021. godine, dostavlja se;
Veza: Vaš akt broj: 05-16-2-477-1/22 od 05.01.2022. godine
Naš akt broj: 09/3-21-16-2454-7/22 od 24.02.2022. godine

U skladu sa zahtjevom Ministarstva financija i trezora Bosne i Hercegovine, a vezano za Godišnje izvješće o izvršenju proračuna Ministarstva vanjskih poslova Bosne i Hercegovine za 2021. godinu, u prilogu dopisa dostavljaju se: obrazac 4/1-Pregled dinamike zapošljavanja za period od 01.01. do 31.12.2021.godine, obrazac 4-Posebni podaci o plaćama i broju zaposlenih u 2021. godini i Izjava o odgovornosti za ostvarivanje ciljeva Ministarstva vanjskih poslova Bosne i Hercegovine. Vezano za Informaciju o korištenju Pravilnika o uvjetima nabavke i načinu korištenja službenih i specijaliziranih vozila ističemo da:

- Ministarstvo vanjskih poslova BiH, u skladu sa Pravilnikom o službenim specijaliziranim vozilima Ministarstva vanjskih poslova Bosne i Hercegovine i diplomatsko-konzularnih predstavništava Bosne i Hercegovine, raspolaže trenutno u DKP-a BiH sa 87 službenih specijaliziranih vozila,
- Sjedište MVP-a BiH raspolaže sa 8 službenih specijalizovanih vozila (što je u skladu sa Pravilnikom) i sa 6 službenih vozila (koje je Ministarstvo imalo u momentu stupanja Pravilnika na snagu).

Jedinica interne revizije MVP-a BiH u 2021. godini nije radila reviziju upotrebe vozila u Ministarstvu vanjskih poslova BiH i diplomatsko-konzularnim predstavništvima BiH, tako da Ministarstvo nema preporuka interne revizije.

S poštovanjem,

Prilog: kao u tekstu



MINISTRICA

dr Bisera Turković

BOSNA I HERCEGOVINA
Institucija: MINISTARSTVO INOSTRANIH POSLOVA BiH

Sjedište: SARAJEVO

ID: 4200950590002

Šifra djelat.: 75210

Obrazac 4.
Organizacioni k

0601

Fond: 10,30

Projektni kod: _____

Pojedinačni obra: _____


Zbirni obrazac: X

Konsolidovani ob _____

POSEBNI PODACI
o plaćama i broju zaposlenih
Period izvještavanja: od 01.01. do 31.12.2021. godine

Redni broj	Opis	U istom		U obračunskom periodu tekuće godine	Procenat 4/3 x 100
		obračunskom periodu prethodne godine	3		
1	2			4	5
1.	UKUPNO (2+5+9)	24.184.530	23.915.038	99	99
2.	Bruto plaće i naknade plaća (3+4)	18.653.872	18.371.555	98	98
3.	Neto plaće i naknade plaća (bez poreza na dohodak)	17.907.266	17.642.726	99	99
4.	Porez na dohodak	746.606	728.829	98	98
5.	Doprinosi (6+7+8)	5.448.069	5.460.061	100	100
6.	Za penzijsko i invalidsko osiguranje	3.107.221	3.120.956	100	100
7.	Za zdravstveno osiguranje	2.124.788	2.123.220	100	100
8.	Za zapošljavanje	216.060	215.885	100	100
9.	Ostali doprinosi	82.589	83.421	101	101
10.	Prosječan broj zaposlenih na osnovu radnih sati (cijeli broj)	492	484	98	98

Rukovodilac



Opis	broj uposljeni	Dinamika prilivodliv po mjesecima												ukupno
		I	II	III	IV	V	VI	VII	VIII	IX	X	XI	XII	
	1	2	3	4	5	6	7	8	9	10	11	12	12	14
Priliv		5	6	10	5	13	4	7	8	19	6	6	10	99
Odliv		-7	-4	-9	-5	-16	-3	-10	-8	-6	-7	-6	-2	-83
	481	-2	2	1	0	-3	1	-3	0	13	-1	0	8	16
		479	481	482	482	479	480	477	477	490	489	489	497	



Rukovodilac

Napomena: U mjesecu decembru/prosincu 2021. godine MVP BiH napustili su Nikola Topić i Ivan Đunđer. Početno stanje o broju zaposlenih je preuzeto od Odsjeka za kadrovske i prevodilačke poslove MVP-a BiH.

U skladu sa članom 22 a. stav (1) Zakona o finansiranju institucija Bosne i Hercegovine („Službeni glasnik BiH“ broj 61/04, 49/09, 42/12, 87/12 i 32/13) u svojstvu rukovodioca institucije, dr Bisera Turković, ministrica vanjskih poslova Bosne i Hercegovine, dostavljam slijedeću

IZJAVU

o odgovornosti za ostvarivanje ciljeva

MINISTARSTVA VANJSKIH POSLOVA BOSNE I HERCEGOVINE

A) Glavni ciljevi utvrđeni Programom rada za 2021. godinu ostvareni su kako slijedi:

Red. broj	Glavni ciljevi utvrđeni Programom rada	Procenat izvršenja
1.	Ubrzavanje evropskog puta Bosne i Hercegovine – sveobuhvatno intenziviranje postojeće dinamike	Kontinuirano
2.	NATO – Jačanje institucionalne saradnje, strukturalnih aktivnosti i dalji razvoj kooperacijskih i sigurnosnih odnosa	Kontinuirano
3.	Unapređenje bilateralne, multilateralne i regionalne saradnje	Kontinuirano
4.	Zaštita interesa državljana BiH u inostranstvu i međunarodno-pravna saradnja	Kontinuirano

1. Ubrzavanje evropskog puta Bosne i Hercegovine – sveobuhvatno intenziviranje postojeće dinamike

Strateški cilj i vanjskopolitički prioritet Bosne i Hercegovine je članstvo u Evropskoj uniji. U skladu sa obavezama koje proističu iz Sporazuma o stabilizaciji i pridruživanju između BiH i EU (SSP), kao i sa Strategijom vanjske politike Bosne i Hercegovine za period 2018.-2023. godina, Ministarstvo je u 2021. godini nastojalo osigurati političku i diplomatsku podršku država članica i institucija EU te nastavilo sa odgovarajućim inicijativama i aktivnostima.

S obzirom na značaj koji ima SSP, Ministarstvo je potpuno posvećeno njegovoj provedbi i ispunjavanju svih obaveza. Ministarstvo je sprovedlo svu neophodnu proceduru u svrhu održavanja 4. sastanka Vijeća za stabilizaciju i pridruživanje između BiH i EU u julu 2021.godine, gdje se razgovaralo o odnosima u okviru procesa stabilizacije i pridruživanja, posebno o pretprijetnom procesu s obzirom na izvještaj Komisije za 2020., te preispitalo trenutno stanje sprovođenja Sporazuma o stabilizaciji i pridruživanju. Samit Evropska unija – Zapadni Balkan, Brdo pri Kranju, kao centralni događaj slovenačkog predsjedavanja EU rezultirao je deklaracijom kojom se potvrđuje evropska perspektiva Zapadnog Balkana i pozdravlja privrženost partnera na Zapadnom Balkanu evropskoj perspektivi.

Saradnja u oblasti Zajedničke vanjske i sigurnosne politike EU, redovno izvještavanje institucija EU o procesu evropskih integracija BiH, uključujući tijela osnovana na osnovu SSP-a, kao i redovno izvještavanje nadležnih institucija BiH o aktivnostima, pozicijama, odlukama i dešavanjima u EU koje

se odnose na proces evropskih integracija BiH i najvažnije aspekte aktivnosti i djelovanje EU bilo je u fokusu diplomatskog djelovanja Ministarstva vanjskih poslova.

2. NATO – Jačanje institucionalne saradnje, strukturalnih aktivnosti i dalji razvoj kooperacijskih i sigurnosnih odnosa

Budući da su za period 2021-2025 iskazana očekivanja za daljim napretkom u institucionalizaciji odnosa sa NATO - posebno nakon odluke NATO iz decembra 2018. godine o aktiviranju MAP za BiH – nastavljeno je kontinuirano praćenje i unapređenje realizacija aktivnosti iz Programa reformi BiH za period 2019-2024. U okviru redovnih aktivnosti koordinirana je inter-resorna saradnja na izradi dokumenta Programa reformi BIH za 2021. godinu, te izradi dokumenta Samoprocjena implementacije Programa reformi BIH.

Komisija sa saradnju sa NATO je usvojila poslovnik o radu, utvrdila metodologiju i pripremila prijedlog dokumenta „*Program reformi Bosne i Hercegovine 2021*“, koji je u maju upućen u Generalni sekretarijat VM BiH na razmatranje i usvajanje. Međutim, usljed blokade državnih institucija, Program reformi do kraja 2021. godine nije uvršten u dnevni red VM BiH. U toku godine održane su tri redovne sjednice Komisije, a sve odluke donesene su jednoglasno, u skladu s Poslovníkom o radu Komisije. Komisija je također pripremila i u proceduru uputila Vijeću ministara na usvajanje „*Izveštaj o radu za period februar-jun 2021. godine*“. Aktivno se radilo na jačanju i razvijanju saradnje sa nevladinim sektorom na planu promocije NATO integracijskog procesa.

U toku 2021. godine, održani su brojni sastanci, u samom sjedištu NATO u Briselu, kao i u BiH gdje se održavaju redovne konsultacije sa ambasadorima zemalja članica NATO u našoj zemlji, te sa predstavnicima NATO Štaba u Sarajevu. BiH je također posjetio i Vojni Odbor EU (EUMC). Uspješno se provodi saradnja sa NATO-om korištenjem raspoloživih mehanizama saradnje, sa relativno visokim stepenom implementacije planiranih aktivnosti i ostvarenog progressa, o čemu svjedoče zajedničke periodične procjene.

3. Unapređenje bilateralne, multilateralne i regionalne saradnje

Tokom 2021. godine održani su sastanci na visokoj i najvišoj razini sa zvaničnicima zemalja regiona prilikom radnih i službenih posjeta te u okviru međunarodnih konferencija. Na svim službenim razgovorima zvaničnici su obostrano isticali važnost i posvećenost razvoju bilateralnih odnosa i regionalnoj suradnji. Sastanci su bili fokusirani na nekoliko ključnih područja: suočavanje s pandemijom, jačanje ekonomske suradnje i trgovinske razmjene, poboljšanje infrastrukturne povezanosti, evropska i evro-atlantska perspektiva država regiona te na pitanja suzbijanja ilegalne migracije. Također je izražena spremnost za pronalaženje rješenja za sva pitanja u duhu načela dobrosusjedstva i međusobnog uvažavanja, održani su brojni drugi sastanci, bilateralne konsultacije i službeni susreti sa ministrima, zamjenicima i državnim sekretarima.

Predsjedništvo Bosne i Hercegovine je 2021. godine donijelo odluke o otvaranju sljedećih ambasada: Republika Albanija (Tirana); Narodna Demokratska Republika Alžir (Alžir); Republika Azerbejdžan (Baku); Savezna Republika Brazil (Brasilia); Republika Kenija (Najrobi); Kraljevina Maroko (Rabat); Slovačka Republika (Bratislava); Republika Tunis (Tunis). Predsjedništvo BiH je također donijelo Odluku o otvaranju sljedećih generalnih konzulata BiH: Republika Hrvatska (Rijeka); Republika

Srbija (Novi Pazar). MVP BiH je kontinuirano provodilo aktivnosti za dobivanje saglasnosti navedenih zemalja za otvaranje ambasada i generalnih konzulata Bosne i Hercegovine.

Ministarstvo je kontinuirano radilo na pripremi materijala za redovne i vanredne sastanke, samite, seminare, videokonferencije i panele za razgovore zvaničnika BiH prilikom posjeta i susreta, te aktivnosti koje se odnose na pripreme teza za razgovore i dijelova nacрта izlaganja za Predsjedništvo BiH, Vijeće ministara i Parlament Bosne i Hercegovine.

Obavljane su redovne aktivnosti u vezi s pitanjem provedbe Espoo konvencije, prvenstveno u kontekstu eventualne izgradnje odlagališta nuklearnog otpada na lokaciji Trgovska gora (Republika Hrvatska) te je osigurana neometana i pravovremena komunikacija između nadležnih instanci u BiH i zainteresovanih strana u okviru obavljanja nadležnosti državne kontakt tačke (focal pointa) za notifikacije.

Nastavljena je implementacija projekta „*Digitalna platforma ekonomske diplomatije MVP BiH*“ s kojim Ministarstvo jača svoju ulogu podrške i promocije bh privrede i ekonomije. Kandidovan je projekat digitalizacije i transformacije rada ekonomske diplomatije – uz pronalaženje međunarodne finansijske podrške – u cilju postizanja bolje preglednosti, transparentnosti i efikasnije dostupnosti. Internet platforma ima dva glavna cilja: a) jačanje saradnje i ubrzanje razmjene informacija između sjedišta Ministarstva i DKP BiH u području ekonomske diplomatije i b) podrška direktnim stranim ulaganjima, jačanje međunarodne ekonomske saradnje i promocija proizvoda i usluga koje nude bh kompanije te povećanje broja turističkih posjeta u BiH u okviru promocije turizma.

Nastavljeno je pružanje podrške aktivnostima Ministarstva vanjske trgovine i ekonomskih odnosa Bosne i Hercegovine na konačnom članstvu u WTO-u.

Praćene su aktivnosti za učešće predstavnika relevantnih institucija Bosne i Hercegovine u radu sljedećih organizacija: Konferencija UN-a za trgovinu i razvoj (UNCTAD), Organizacija UN-a za industrijski razvoj (UNIDO), Razvojni program Ujedinjenih nacija (UNDP), Program zaštite okoline (UNEP), Svjetska organizacija za intelektualno vlasništvo (WIPO), Međunarodni fond za poljoprivredni razvoj (IFAD), UN Svjetska turistička organizacija (UNWTO), Svjetska carinska organizacija (WCO), Međunarodna agencija za obnovljivu energiju (IRENA), te drugih organizacija i institucija.

4. Zaštita interesa državljana BiH u inostranstvu i međunarodno-pravna saradnja

Tokom 2021. Ministarstvo je radilo na pripremama i zaključivanju međunarodnih ugovora. Nacrt svakog međunarodnog ugovora (kao i većina sporazuma koji nemaju karakter međunarodnih ugovora), analiziran je sa stanovišta njihove usklađenosti sa odredbama Bečke konvencije o ugovornom pravu, te uobičajenim pravilima međunarodnog ugovornog prava. Dostavljena su zvanična mišljenja institucijama u čiji djelokrug rada spadaju pitanja koja su uređena konkretnim međunarodnim ugovorima. Pripremljen je 41 nacrt odluka, odnosno prijedloga odluka o ratifikaciji međunarodnih ugovora koji su dostavljeni Predsjedništvu BiH i Vijeću ministra. U toku je postupak ratifikacije devet međunarodnih ugovora, a u navedenom periodu analizirano je i dostavljeno na mišljenje 68 sporazuma.

U cilju ažuriranja podataka o sticanju prava vlasništva na nekretninama za državljanu BiH u drugim zemljama, svim DKP-ima dostavljene su tabele koje sadrže sve potrebne informacije o sticanju prava vlasništva u zemljama koje pokrivaju. Popunjene tabele i podaci će biti dostavljeni entitetskim ministarstvima pravde i Brčko Distriktu. Nastavljena je kontinuirana saradnja s pravnim službama

međunarodnih organizacija, odnosno depozitarima međunarodnih multilateralnih ugovora u vezi sa pitanjima međunarodnog javnog i privatnog prava od interesa za članstvo BiH u istim, te za ostvarivanje prava i obaveza koja iz tog članstva proističu. Predstavnici Ministarstva su zajedno s kolegama iz zemalja članica Vijeća Evrope učestvovali na redovnim zasjedanjima Odbora pravnih savjetnika za međunarodno javno pravo (CAHDI). Predstavnik Ministarstva učestvuje u radu Ad hoc Komisije za umjetnu inteligenciju Vijeća Evrope.

Ministarstvo je iz oblasti radno-pravne zaštite zaprimilo i obradilo oko 9.500 akata međunarodno pravne pomoći u građanskim i krivičnim stvarima, kao i drugim predmetima naših građana iz oblasti konzularne zaštite i pribavljanje dokumenata u cilju ostvarivanja njihovih prava u BiH i inostranstvu, davanje informacija i instrukcija strankama na telefonske upite ili odgovaranje na upite pristigle putem e-mail-a.

Na 20. sastanku Zajedničkog komiteta ovlaštenih predstavnika država sukcesora za raspodjelu diplomatske i konzularne imovine bivše SFRJ Jugoslavije, a u okviru kojeg je BiH predsjedavala Aneksom B, održanom 13. i 14. septembra 2021. godine u Sarajevu, usvojena je 20. Rezolucija kojom su utvrđeni koraci u postupku zajedničke prodaje preostale dvije nekretnine – Ambasade/Rezidencije bivše SFRJ u Bernu i Stalne misije bivše SFRJ pri UN u New Yorku, aktivnosti u vezi utvrđivanja i razjašnjenja statusa određenih objekata bivše SFRJ, vremenski okviri za primopredaju DKP imovine koja je dodijeljena državama, kao i fizička podjela dva velika kompleksa bivše SFRJ u Braziliji i New Delhiju, gdje je BiH dobila imovinu ukupne vrijednosti u iznosu od 2,58 miliona KM (kuća u Braziliji sa pripadajućim zemljištem od 4.300 m² i dio objekta ambasade u New Delhiju ukupne kvadrature 500 m² sa pripadajućim zemljištem od 3.400 m²).

U regionu Latinska Amerika i Karibi, čija vrijednost po Sporazumu iznosi 11,4 miliona dolara, BiH je fizičkom raspodjelom dobila imovinu u Brazilu, Urugvaju i Boliviji (participacija od 10%) ukupne vrijednosti u iznosu od 1,71 milion dolara i time potpunosti iskoristila svoj udio u regiji definisan Sporazumom.

B) Ukupno raspoloživa sredstva namijenjena za finansiranje poslovanja i za ostvarivanje utvrđenih ciljeva MVP u ukupnom iznosu od KM 63.383.640 trošena su namjenski, svrsishodno i zakonito prema sljedećoj strukturi:

Red. broj	Rashodi	Sredstva odobrena budžetom u KM	Izvršeno u KM
1.	Plate i naknade	37.207.369	34.763.989
2.	Materijalni troškovi	15.660.700	14.551.338
3.	Kapitalna ulaganja	9.190.684*	572.172
4.	Tekući grantovi i transferi	-	-
5.	Kapitalni grantovi i transferi	-	-
	UKUPNO	62.058.753**	49.887.499

* Iznos od 9.190.684 KM obuhvata sredstva odobrena po Odlukama o privremenom financiranju Vijeća ministara BiH za 2021. godinu (KM 594.000), prenesena sredstva za kapitalna ulaganja

programa posebnih namjena iz 2020. godine (KM 5.290.983) kao i sredstva iz novootvorenog programa financiranog iz primitaka od zajedničke prodaje nekretnina (sukcesija) u iznosu od KM 3.305.701,05.

** Iznos od 62.058.753 KM obuhvata sredstva odobrena po Odlukama o privremenom financiranju Vijeća ministara za 2021. godinu (KM 52.832.000 tekući rashodi i KM 594.000 kapitalni izdaci), sredstva od donacija (KM 13.870) kao i sva sredstva evidentirana na programima posebnih namjena i višegodišnjih kapitalnih ulaganja (KM 8.596.684 i donacija za potrebe analize stanja zgrade BiH u Buču KM 22.199 .

Odstupanja izvršenih od odobrenih rashoda rezultat su:

1. Smanjen obim kretanja, posebni uslovi poslovanja i ograničenja uvedeni usljed pandemije virusa COVID-19 kao i nemogućnost završetka radnih mjesta doveli su do niže realizacije sredstava namijenjenih za plate, naknade i materijalne troškove.
2. Realizacija višegodišnjih kapitalnih izdataka u velikoj je mjeri posljedica neusvajanja Zakona o budžetu institucija BiH i međunarodnih obaveza za 2021. godinu i svih vrsta ograničenja uvedenih usljed pandemije virusa COVID-19. Iz navedenih razloga nije bilo moguće uspostaviti dinamiku za provođenje procedura kapitalnih i višegodišnjih kapitalnih ulaganja i nabavke stalnih sredstava.

C) Sistem finansijskog upravljanja i kontrole u instituciji uspostavljen je na ekonomičan, efikasan i efektivan način, u skladu sa poglavljem IVa - Finansijsko upravljanje i kontrola čl. 33 a) do 33 i) Zakona o finansiranju institucija BiH („Službeni glasnik BiH“ broj 61/04, 49/09, 42/12, 87/12 i 32/13), Standardima unutrašnje kontrole u institucijama BiH, Priručnikom za finansijsko upravljanje i kontrolu u institucijama BiH, Pravilnikom o finansijskom upravljanju i kontroli u Ministarstvu inostranih poslova BiH broj: 01-02-3-30320/20 od 29.10.2020. godine, Planom uspostave i razvoja finansijskog upravljanja i kontrole u Ministarstvu inostranih poslova BiH broj: 01-02-3-30322/20 od 29.10.2020. godine i ostalim podzakonskim aktima.


Preporuke i zaključci nadležnih institucija u vezi sa uspostavom i razvojem finansijskog upravljanja i kontrole realizovani su kako slijedi:

Red. broj	Preporuke/zaključci	Naziv preporuke/zaključka	Realizacija
1.	Realizacija preporuka Ureda za reviziju institucija BiH koje se odnose na uspostavu i razvoj sistema finansijskog upravljanja i kontrole i poduzete korektivne radnje	Implementirati sistem finansijskog upravljanja i kontrole u skladu sa Zakonom o finansiranju institucija, Priručnikom za FUK i Smjernicama za provođenje procesa upravljanja rizicima u institucijama BiH	Realizacija preporuka je djelimično realizovana*

2.	Realizacija zaključaka Savjeta ministara BiH koji se odnose na posljednji usvojeni godišnji konsolidovani izvještaj o sistemu finansijskog upravljanja i kontrole u institucijama BiH i drugih zaključaka Savjeta ministara u vezi sa sistemom finansijskog upravljanja i kontrole u institucijama BiH	-	
3.	Realizacija zaključaka Parlamentarne skupštine BiH, koji se odnose na uspostavu i razvoj sistema Finansijskog upravljanja i kontrole u institucijama BiH	-	
4.	Realizacija mjera i preporuka Centralne harmonizacijske jedinice Ministarstva finansija i trezora BiH iz oblasti finansijskog upravljanja i kontrole u institucijama BiH	-	
5.	Realizacija mjera iz akcijskih planova institucije za prethodnu godinu a koji se odnose na sistem finansijskog upravljanja i kontrole	-	

* Ministarstvo inostranih poslova je dana 08.11.2021. godine sačinilo Mapu poslovnih procesa MIP BiH broj: 03-16-4-35833/21 i izradilo Izvještaj o finansijskom upravljanju i kontroli za 2021. godinu, broj: 03-50-1-4327/22 koji je dana 03.02.2022. godine dostavljen Centranj harmonizacijskoj jedinici MFT BiH. Rješenjem broj: 09/1-21-34-1297/21 od 16.08.2021. godine Ministarstvo inostranih poslova BiH formiralo je stručnu radnu grupu za uspostavu i razvoj sistema FUK za čijeg koordinatara je određen sekretar Ministarstva. Pored navedenog, MIP BiH je dana 29.10.2020. godine donijelo Pravilnik o finansijskom upravljanju i kontroli u Ministarstvu inostranih poslova BiH broj: 01-02-3-30320/20 i Plan uspostave i razvoja finansijskog upravljanja i kontrole u Ministarstvu inostranih poslova BiH.

Datum, 24.02. 2022. godine



MINISTRICA

Bisera Turković